

亦然或設陷阱每歲亦得二三隻
嘉靖丁未大廉山羣象踐民稼逐之不去時太

守胡公鰲竝鄉士大夫率其鄉民捕之預令
聯木爲牌柵以一丈爲一段數人昇之俟

羣象伏小山一時牌柵四合聯息而辨柵
外重塹環以弓矢長鎗令不得破牌柵而

逸令人俟間伐柵中木從日中火攻之象
畏熱不三四日皆斃凡得十餘隻象于圍

中生一子生致之以獻靈山巡道中途
而斃生纔數日然已大如水牛矣

高麗坡南郡新書江陵有士子遊交廉間而
愛姬爲太守所放高麗坡底及歸寄

詩曰惆悵高麗坡底宅春光無復下山來
太守見詩遂遣還按高麗坡不審何地意

交趾地耳

安京別墅唐詩紀事高駢好神仙遊安南有
詩云不將真性染埃塵爲有烟霞

伴此身帶月長江好歸去博羅山下碧桃春蓋有別墅在安京山誤為惠州羅浮山也

南溟夫人

傳奇載唐憲宗元和中有柳宗元後者其從父各竄驩愛二州二子

往省至合浦登舟為颶風飄至孤島有道士乘白鹿來憫之令謁南溟夫人遂得歸其事甚怪語多不克盡載蓋幽怪錄之流也

紀夢

揮塵錄曾文肅公布帥定武一日辰起忽謂諸子曰吾必為宰相然須南遷請

其所以公曰吾昨夕夢中服十郎綠袍北面謝恩豈非他日貶司戶之徵乎後十年累登庸既為蔡元長所擠徙居衡陽已而就降廉州司戶叅軍敕到取幼子緋朝服以拜命果符前夢十郎即緋排行也黃華自記云予應景泰七年鄉試七月時同

鄭賢李濬自石岐登舟忽千戶林興來送
揖賢及予曰與夢最驗恭喜二位俱登第
矣鄭秀才名在前列但山字上如盧狀殊
不可識豈傳臚之兆耶黃秀才中五十七
名夢中見之甚真濬不悅佯醉而卧興遂
辭去及揭曉予叨領薦額恰如其數有鄭
賢在于前乃靈山人也鍾振自記云予十
二三時受業于莫南沙氏館里中予先君
晨夜必數至焉一日先君晨至語莫師曰
夜來夢中聞鼓角聲將及門一人馳入報
云閣老來來吾遽出則朱衣幘頭人已坐
應事侍衛森嚴吾方伏謁朱衣人問曰汝
郎鍾振安在吾應云從師讀書朱衣人起
而顧吾曰我袁煒也一看汝郎耳莫以爲
奇今記之予先君時亦舉以語人不一歲
爲嘉靖戊戌得觀其年會元卷驚語先君
及予曰前夢殊異今符其名矣予因得稔
聞之迨予貢春曹始知元峯翁爲禮書心

頗動及考科舉卽蒙見許遂由禮部領薦
至會試元翁爲大座主填榜之夕及子名
見歲貢字有以金星橋事爲疑者停筆久
之元翁聞之遽呼曰是由禮部舉者年未
三十命填之後數日班叅于西城內直元
翁特呼予名出班令再揖語主政何龍崖
曰此我兩度門生也予始領薦時始語人
以夢有告袁公者云寓里之外二十六七
年之前有此夢今旣驗于鍾生公踐台階
當不遠矣不二月而公被命入閣聞者異
之

識鑒

歐陽公鐸爲提學有知人之鑒所獎拔
士往往知名當嘉靖乙酉賓興所擬爲

魁元如潮士陳思謙鄭弘彛李日森瓊士
唐穆已得其四惟詩魁當在廣庠非岑萬
則曾貫及揭曉皆如所言又謂連士張叔
辛廉士王養民當俟後舉張名當在二十

王必在七十外後張適符其數王中七十
三人稱其神奇事見通志本傳

張令

續志靈山令張樞多虐非命致死嘉靖
辛酉樞忽病狂目見鬼來索命脫衣譖

語欲自殺縣丞救之有蝙蝠嚙其喉遂走
還樞是日死端蝠遂不見蓋鬼覓也

竹實

竹惟刺竹一種有華實實如麥亦可食
然與蒜同食則殺人聞之父老悉五十

年一實以丙戌甲戌壬戌庚戌戊戌推之
有驗實則以漸枯盡無遺竿且有餓唐

書開元二年嶺南竹有華實如麥竹莖枯
死是歲大饑民採食之廉郡竹以嘉靖壬

戌枯盡於丙寅占書曰國中竹栢枯不出
三年有喪時郡守黃滄泉以癸亥卒于官

偶應其

占云

芝菌

正德辛亥郡庠泮池生芝太守沈綸德
政所致嘉靖丙午夏張都閫轅產芝時

其母王氏以貞節表其閭郡守胡鰲前翰林編修謫提舉潘仲驂咸有紀讚云嘉靖癸丑振舍旁叢林中瓦礫之上產芝五莖高五寸餘葉徑四寸五色皆備日耀之燦然有光其幹如漆內一本若並蒂然環地四圍及其上約丈餘咸有黃氣若塵埃着人衣作黃色今藏之戊午歲予里中社復產一作紫色

苗瑩白如玉尤絕異

詳鍾振舊紀

文識

成化十七年東岩林公榮以禮科給事中使滿刺加時丘文莊公以禮侍掌監

事贈有詩叙云距其境西南舟行約十餘日有幹鞞國者即所謂潘山也海水傾注其名爲溜水勢漸下力不能勝一芥舟行誤入其中即沉下而無所底止神仙家所謂蓬萊弱水殆近是歟而林公舟抵羊輿竟覆沒此其識也

龍村

相傳合浦進誠鄉第二圖之龍村人有

鄉之人鄉人亦不識也納之口中量粟畢

不覺誤吞之腹遂脹滿不能食喜入水未

石康學記

嘗見古石康修學記於斷籍中有

之鎮測景分度航海濟川人之能也偉哉

夫子經三代禮樂緯百王憲章朔南暨聲

教實由治化之所及天下有郡國然後有

方合浦

年四十病垂絕爲使者攝至其縣之

東岳廟殿上王者曰送西司勘使者引至

震見書有廩庾米粟斗斛俱備又有冠帶
在側卽令使者送歸至家而甦明年食廩
壬子膺鄉荐終合浦
知縣休致十餘年卒

宋知州敕

劉歆草左藏庫副使純昱權知廉
州敕合浦之地古爲珠官奇珍所

聚掌握致富宜得廉吏爲之守長且蠻蛋
荒遠難馴易擾非夫武壯智畧不能鎮服
以是數者推擇用汝祇蒞恩寵益思善效
又曾鞏草溫高知欽州敕高州有兵民之
寄而地在疆場之間則當擇用才武之神
屬之守禦之任爾以能進往祇厥服尚思
綏靖以稱簡求觀二敕于珠官則欲得廉
吏於邊境則欲其綏靖治郡之體不出此
矣

遺傳

唐何鼎曲江人以進士累遷客管經畧
使廉辦二州歲大祲賑濟不足以俸周

之會鼎小疾民有燃指禮佛爲之禱者見
廣州人物傳 宋魏瓘爲廣西轉運使劉

振時計口以稅雖舟居不免至仁宗時欽
廉猶未除瓘爲除之見廣東通志二公皆

有功德于廉民而前
志皆忽之故並著此

正誤

唐劉瞻以咸通十一年謫廉州刺史嘉
靖廉志遂爲立傳入名宦今按綱目同

昌公王叔其年八月卒瞻以論不宜罪醫
者獲貶至九月遂貶驩州司戶相距纔一

月凡再貶是瞻未嘗至廉也 天順元年
七月謫修撰岳正爲欽州同知道經郭縣

以母老留閩月曹石之黨以私事中之逮
繫正詔岳以八月謫戍肅州瞻與正同皆

當不入廉志然二公如祥麟瑞鳳天下快
觀雖皆未至而久固已想望其羽儀丰采

矣故特
著之

論篤內臣

瓊山陳實弘治壬戌進士值逆黨用事家居數年足不入城市瑾敗

起授江南西道時內臣趙蘭守雷州珠池

正德間採珠合浦騷民贖貨嘉靖改元實

劾罷之風裁凜然改北廣西道見通志

南海方公獻夫以王守仁招撫田州不滿

桂萼意上疏論薦云廉州珠池少監張賜

資性淳良知善好禮恬淡寡慾安靜不擾

且廉州與龍州交趾賓州思恩田州等處

俱相接壤張賜久居其地習知莽情熟識

地利可為兩廣總鎮太監臣願陛下即用

其人則比之揭債幹出而重地方之累著

遠矣二公皆鄉人一効

一荐其用心將無同乎

運道遺蹟

合浦大洗港有潮西通名九河江

名赤嶧整父老相傳馬伏波征交趾時合

浦由外海運糧至軍恒苦烏雷風濤之險

及海寇攘奪之患遂以昏夜鑿白皮蜂腰之地以通糧船乃束羊於鼓係鈴于鳥置之塹上以疑寇此河直通龍門七十三徑抵欽城其掘鑿處約長七八里濶五六丈深三四丈其兩頭潮水尚通但中間本植交生耳此水一通實欽廉舟楫之利嘉靖己亥太守張淨峯公與義民文通嘗親至其地踏勘欲疎鑿之不果予以爲廉境之山由東迤邐而南直出海上曰冠頭嶺由西迤邐而南直出海外曰烏雷嶺今二山對峙相去可二十里古謂合浦爲海門迨謂此耶誠藝薺之疆域南徼之阨塞附海之邦所無者冠頭之東地亦蜂腰大潮亦沒假令二地以不便舟楫之故皆可鑿之使通皆可不必要踏外洋之險若爲邊圉人遠計其無乃非先王設險守國之義耶謾記諸此

入交三道

一由欽州南大海揚帆一日至西南岸卽交州潮陽鎮也又云自廉州發舟師進都齊一出廣西至宋始開廣西路亦分爲三自憑祥州入者由鎮南關一日至文淵州自思明府入溫丘者過摩天隘一日至思陵州自龍州入者一日至平西隘一由雲南至元始開雲南路亦分爲二由蒙自縣者經蓮花灘人交之石灘由河陽隘者循洮江左岸十日至平原州然皆山逕難行張輔則繇憑祥沐晟則從蒙自以抵白鵲縣皆不循伏波故道彼用毒攻之策故也

西南海道

嘉靖中知府饒岳訪得廣東海道自廉州冠頭嶺前海發舟北風順利一二日可抵交之海東府若沿海岸行則烏雷嶺一日至白龍尾白龍尾二日至

土由門又一日至萬寧州二日至廟山三
日至海東府二日至經熟社有石堤陳氏
所築過元兵者又一日至白藤江口過天
寮巡司南至安陽海口又南至多魚海口
各有支港以入交州自白藤而入則經水
旁東潮二縣至海陽府復經至靈縣過寅
徑平灘等江其自安陽海口而入則經安
陽縣至海陽府亦至黃徑等江由南策上
洪之北境以入其自塗山而入則取古齋
又取宜陽縣經安老縣之北至平河縣經
南策上洪之南境以入其自多如海口而
入則由安老縣新明二縣至四岐邈洪江至
快州經鹹子關以入多魚南爲太平海口
其路由太平新興二府亦經快州鹹子關
口由富良江以入此海道之大畧也蓋自
欽州天涯驛經貓尾港七站至若由萬寧
抵交趾陸行止二百九十一里宋設砦
二鹿井砦在欽州西南控象鼻沙大水口



B0146428

入海通交州水路三村砦在欽州東南控

寶蛤灣至海口水路東南轉海至雷州遶

角場欽州西南邊有水口六譚家水口

黃標水口藏埔水口西陽水口大灣水口

大亭水口

天子南庫

雞距集市舶錄金山珠海天子南庫

人肉

賓退錄知欽州林千之坐食人肉
削籍隸海南天下傳以為異

戴藤鹿

南康記合浦有鹿額上戴科藤
一支四條直上各一丈

羽化

劉景桂州人嘉祐時運使李師中
贈以詩擬諸猶龍焉元豐八年適一百

十八歲無疾而卒卒後百餘日廉之還珠
驛有得所致家書者乃知景羽化矣

三石佛

在宋泰鄉一名真空堂
又曰石佛寺今廢